



Inatsisartut
/maani

Uunga: Inatsisartuni ilaasortaq Vivian Motzfeldt, Siumut

Inatsisartuni ilaasortamut, Vivan Motzfeldt, Siumut, akissut

Allakkap ullua: 15-12-2017
Akt id. 6676633

Inatsisartut suleriaasianni § 37, imm. 1 naapertorlugu Namminersorlutik Oqartussat nutserinermut qanoq aningaasartuuteqartiginerannut tunngatillugu Naalakkersuisunut ulloq 14. november 2017 marlunnik apeqquteqarsimavutit. Aallarniutigalugu ajuusaarutigissavara matumani akissutigineqartoq ullut suliffiusut qulit iluanni tunniunneqarsinnaasimangimmat, tamatumunngalu pissutaavoq immikkoortortaniit kisisisunut paasissutissanik piniarneq sivisunerusimammat. Apeqqutigisatit uannit akisassanngortinneqarsimapput.

P. O. Box 1037
3900 Nuuk

Oqa. (+299) 34 50 00
Nassitsigasuaat (+299) 34 63
50

E-mail: asa@nanoq.gl
www.naalakkersuisut.gl

Aallaqqaasiut:

Nutserinermut aningaasartuutit naatsorsuiffigineranni kalaallisuumiit qallunaatumut aamma qallunaatumit kalaallisuumut imaluunniit oqaatsit allat akornanni nutserinerit immikkoortinneqarneq ajorput, soorlu kalaallisuumit tuluttuumut. Tamakkulu pissutigerpialugit nutserinissaq siunertaralugu aningaasartuutinngortut tamarmiusut kisiisa Naalakkersuisut paasissutissiissutigisinnaavaat. Tamatumalu kinguneraa apeqqutigineqartut tullinnguuttut ataatsimoortillugit akineqassammata.

- 1. Pisortat ingerlatsineranni tamatumani Namminersorlutik Oqartussat iluanni Kalaallisuumiit Qallunaatumut nutserinermi aningaasat qanoq amerlatigisut ukiumut atorpeqartarpat?**
- 2. Pisortat ingerlatsineranni tamatumani Namminersorlutik Oqartussat iluanni Qallunaatumiit Kalaallisuumut nutserinermi aningaasat qanoq amerlatigisut ukiumut atorpeqartarpat?**

Akissut:

Aallarniutigalugu erseqqissartariaqarpoq matumani akissuteqarnermi tunngavigineqartut arlallit aallaavigneqarsimammata.

Immikkoortortani nutserinermut aningaasartuutiniippat atorfeqartitaanani nutserinermik suliallit aamma immikkoortortani atorfeqartitaalluni nutserisut, taakkulu nutserinermik suliaqanngikkunik oqaatsitigut atuinermik kukkunerisuisartuupput. Kingullertut taaneqartunut tunngatillugu sulisut nutserinermut piffissamik atuisarnerannut aningaasartuutit aamma/imaluunniit pitsaassutsimik qulakkeerinninnissamut piffissamik atuinermut aningaasartuutit kisimik missingerlugit ilanngullugit naatsorsuiffigineqarput. Kisitsisit taamaallutik nalorninartoqarsinnaapput.

Naalakkersuisut qitiusumik nutserisoqarfiinut marluusunut tunngatillugu akissarsianut aningaasartuutit aamma ingerlatsinerimut aningaasartuutit nutserisoqarfinnut tamarmiusunut atorpeqartut naatsorsuinerimut ilanngunneqarput.

2016-imi nutserinermut, pitsaassutsimik qulakkeerinninnernut toqqaannartumillu oqaluttaanernut 31,7 mio. kr.-nit atorneqarsimassasut ilimagineqarpoq. 2017-imi qaammatini siullerni 11-ni siunertamat tassunga 30,1 mio. kr.-nit atorneqarsimassasut ilimagineqarpoq. Atuineq tamarmiusoq naalackersuisoqarfinnilu ataasiakkaani kiisalu Nutserisoqarfimmi atuinerit tabel 1-mi tullinnguuttumik atuarneqarsinnaapput. Naalackersuisoqarfinni ataasiakkaani atuinerni aqutsisoqarfiit immikkoortortallu ilanngunneqarput, soorlu assersuutigalugu suliffeqarfiit namminersortitat qitiusumillu ilinniarfiit. Nutserisoqarfik immikkut naatsorsuiffigineqarpoq, taannaavormi qitiusumik allattorfinniittunik tamanik nutserinermik toqqaannartumillu oqaluttaasarnermik suliaqartoq.

Tabel 1: Nutserinermut, pitsaassutsimik qulakkeerinninnernut aamma toqqaannartumik oqaluttaanernut atuinerit. 2016-imi 2017-imilu qaammatini siullerni 11-ni atuinerit.

	2016	2017
Pinngortitamut Avatangiisinullu Naalackersuisoqarfik	816.497	983.540
Aalisarnemut Piniarnermullu Naalackersuisoqarfik	2.865.558	3.106.261
Isumaginninnermut, Ilaqutariinnut, Naligiissitaanermut Inatsisinillu Atuutsitsinermut Naalackersuisoqarfik	2.966.385	1.900.913
Namminiilivinnermut, Nunanut Allanut Nunalerinermullu Naalackersuisoqarfik	394.220	247.555
Aatsitassanut Ikummatissanullu Naalackersuisoqarfik	600.000	528.000
Kommuninut, Nunaqarfinnut, Isorliunerusunut, Attaveqaqatigiinnermut Ineqarnermullu Naalackersuisoqarfik	344.330	674.588
Naalackersuisut Siulittaasuata Naalackersuisoqarfia	180.387	278.721
Inuussutissarsiornermut, Suliffeqarnermut, Niuernermut Nukissiuuteqarnermullu Naalackersuisoqarfik	2.360.000	2.560.000
Aningaasaqarnermut Akileraartarnermullu Naalackersuisoqarfik	1.639.038	2.276.277
Ilinniartitaanermut, Kultureqarnermut, Ilisimatusarnermut Ilageeqarnermullu Naalackersuisoqarfik	1.210.172	1.631.511
Peqqissutsimut Naalackersuisoqarfik	10.941.354	9.411.904
Nunatsinni Nakorsaaneqarfik	231.152	46.468
Nutserisoqarfik, ASA	7.194.349	6.500.094
Katillugit	31.743.441	30.145.833

Malugeqquneqarpoq kisitsisit siuliani taaneqartut ukiunut siuliinut tamakkiisumik assersuunneqarsinnaanngimmata, tassami oqartussaaffinnik allannguinerit kingunerisaannik allaffissornikkut immikkoortortat ilaat naalackersuisoqarfiit akornanni nutserinermut aningaasartuuteqartartut allamut nuunneqarsimasinnaammata. Assersuutigalugu 2016-imut nutserinermut aningaasartuutit Kalaallit Nunaanni Aalisarsinnaanermut Akuersissutinik Nakkutilliisoqarfimmiit (KANUAANA) akilerneqartut Aningaasaqarnermut Akileraartarnermullu Naalackersuisoqarfimmut ilaatinneqassapput, 2017-imullu Aalisarnermut Piniarnermullu Naalackersuisoqarfimmut ilaalissallutik.

Nutserinermut aningaasartuutit Inatsisartut allattoqarfiannit akilerneqartut
naatsorsuinermit ilaatinneqanngillat.

Inussiarnersumik inuulluaqqusillunga
Med venlig hilsen

Aqqaluaq B. Egede